



ქედის მუნიციპალიტეტის საკრებულო

გ ა ნ კ ა რ გ უ ლ ე ბ ა

დაბა ქედა



N 47  
25/10/2019

47-04-4-201910251641



**ქედის მუნიციპალიტეტის მერიის ეკონომიკური განვითარების სამსახურის მიერ 2019 წლის ცხრა თვეში გაწეული საქმიანობის ანგარიშის მოსმენის შესახებ**

„ქედის მუნიციპალიტეტის საკრებულოს რეგლამენტის დამტკიცების შესახებ“ ქედის მუნიციპალიტეტის საკრებულოს 2016 წლის 3 მაისის №6 დადგენილებით დამტკიცებული დანართის მე-6 მუხლის მე-6 პუნქტის შესაბამისად, ქედის მუნიციპალიტეტის საკრებულომ **გადაწყვიტა:**

1. ცნობად იქნას მიღებული ქედის მუნიციპალიტეტის მერიის ეკონომიკური განვითარების სამსახურის 2019 წლის ცხრა თვეში გაწეული საქმიანობის ანგარიში, თანახმად დანართი №1-სა.
2. დანართი №1 წარმოადგენს განკარგულების განუყოფელ ნაწილს.
3. განკარგულების დაინტერესებული მხარეთათვის კანონმდებლობით დადგენილი წესით გაცნობა უზრუნველყოს ქედის მუნიციპალიტეტის საკრებულოს აპარატის უფროსმა - მუხრან სალაძემ.
4. განკარგულება შეიძლება გასაჩივრდეს დაინტერესებული მხარეების მიერ კანონმდებლობით დადგენილი წესით მისი ძალაში შესვლიდან ერთი თვის ვადაში ხელვაჩაურის რაიონულ სასამართლოში (მისამართი: ქ. ბათუმი ფრიდონ ხალვაშის გამზირი №358).
5. განკარგულება ძალაშია ხელმოწერისთანავე.

შუქრი თურმანიძე

საკრებულოს თავმჯდომარე



**ქედის მუნიციპალიტეტის ეკონომიკური განვითარების სამსახურის მიერ  
2019 წლის ცხრა თვეში გაწეული საქმიანობის  
ანგარიში**

ქედის მუნიციპალიტეტის მერიის ეკონომიკური განვითარების სამსახურის მიერ 2019 წლის დასაწყისიდან გეგმაზომიერად მიმდინარეობს მუშაობა ბიუჯეტით გამოყოფილი ფინანსების შესაბამისი შესყიდვის განსახორციელებლად და მუნიციპალური ქონების მართვის კუთხით.

ქედის მუნიციპალიტეტის მიერ 2019 წლის ექვს თვეში სახელმწიფო შესყიდვები განხორციელებული იქნა, სახელმწიფო შესყიდვების სააგენტოს თავმჯდომარის 2011 წლის 10 თებერვლის №2 ბრძანების „შემსყიდველი ორგანიზაციის ანგარიშგების წესის დამტკიცების შესახებ“ მე-4 მუხლის და 2010 წლის 20 სექტემბრის №7 ბრძანების „შესყიდვის ობიექტების იდენტიფიცირებისა და ერთგვაროვნების დადგენის წესის დამტკიცების შესახებ“ საფუძველზე რეგისტრირებული შესყიდვების გეგმის შესაბამისად. შესყიდვების გეგმაში ცვლილებების შეტანა ხდებოდა პერიოდულად ადგილობრივ ბიუჯეტში შესული ცვლილებების შესაბამისად, დღეის მდგომარეობით ქედის მუნიციპალიტეტის 2019 წლის სახელმწიფო შესყიდვების გეგმამ შეადგინა 6284183 ლარი.

სახელმწიფო შესყიდვების განხორციელებისას განსაკუთრებული ყურადღება გამახვილებული იყო ისეთ მნიშვნელოვან საკითხებზე, როგორცაა შესყიდვების წლიური და ინდივიდუალური დაგეგმვა, დაგეგმვის პროცესში პასუხისმგებლობების სწორი გადანაწილება, მიწოდების ბაზრის კვლევა, საკვალიფიკაციო და ტექნიკური მოთხოვნების პროპორციულად განსაზღვრა და სპეციფიკაციების შემუშავება.

2019 წლის 01 ივლისამდე სახელმწიფო შესყიდვების განსახორციელებლად გამოცხადებული იქნა 151 ტენდერი. გაფორმდა სულ 174 ხელშეკრულება, აქედან ელექტრონული ტენდერებით 85 ხელშეკრულება. სულ არ შემდგარი, შეწყვეტილი და უარყოფითად დასრულებული ტენდერების რაოდენობამ შეადგინა 32. მათ შორის არ შედგა 14, შეწყვეტილია 11 და უარყოფითად დასრულდა 10 ტენდერი. გასაჩივრდა დავების საბჭოში 3 ტენდერი, მათ შორის ერთი არ არის დასრულებული.

შესყიდვების სააგენტოს თანხმობით, სახელმწიფოებრივი და საზოგადოებრივი მნიშვნელობის ღონისძიებების შეზღუდულ ვადებში შეუფერხებლად ჩატარების მიზნით გამარტივებული შესყიდვით განხორციელდა: „სოფლის მოსახლეობის ექიმამდელი სამედიცინო დახმარების“ და ფსიქიკური აშლილობის მქონე პირების „თემზე დაფუძნებული მობილური გუნდის მომსახურების პროგრამით გათვალისწინებული შესყიდვები 202200 ლარის ფარგლებში. ექსკლუზიური უფლებამოსილებით - ადმინისტრაციული შენობის დაცვა - 69600 ლარი და კულტურული ღონისძიებების ორგანიზებასთან დაკავშირებული მომსახურება 35898,36 ლარი.

ჩატარებული ელექტრონული ტენდერების ძირითადი ნაწილი მოდის ინფრასტრუქტურული პროექტების განხორციელებაზე, როგორცაა: მეწყერსაწინააღმდეგო

ლონისძიებები, მოსახლეობის სასმელი წყლის წყალმომარაგებით უზრუნველყოფა, დაბის და ტერიტორიული ერთეულების ცენტრების კეთილმოწყობა, გარე განათების მოწყობა, ტურისტული ინფრასტრუქტურის განვითარება, შიდა-საუბნო სასოფლო გზების მოწყობა, მინი სპორტული მოედნების, ამბულატორიების რემონტი და სხვა ღონისძიებები განსაკუთრებული ყურადღება ექცეოდა სახელმწიფო შესყიდვებთან დაკავშირებულ ანგარიშგების საკითხებს. სახელმწიფო შესყიდვების სააგენტოს თავჯდომარის 2011 წლის 10 თებერვლის №2 ბრძანების „შემსყიდველი ორგანიზაციის ანგარიშგების წესის დამტკიცების შესახებ“ შესაბამისად ხდება შესყიდვებთან დაკავშირებული ანგარიშგების მომზადება და ერთიანი ელექტრონული სისტემაში ატვირთვა.

ეკონომიკური განვითარების სამსახურის მიერ აჭარის ა.რ მთავრობის 2019 წლის 14 მარტის №39 განკარგულებით სოფლის მხარდაჭერის პროგრამისათვის გამოყოფილი 740 000 ლარის ფარგლებში სოფლის მოსახლეობაში ჩატარებული კრებების შესაბამისად შედგენილია პროგრამა, რომელიც მოიცავს 93 ღონისძიებას. დღეის მდგომარეობით მიმდინარეობს მუშაობა აღნიშნული ღონისძიებებით გათვალისწინებული სამუშაოების შესყიდვისათვის. უკვე დასრულებულია 79 ღონისძიება, მიმდინარეობს სამუშაოები 14 ღონისძიებაზე, რომელიც დასრულდება ნოემბრის ბოლომდე.

გარკვეული სამუშაოები მიმდინარეობს მუნიციპალური ქონების აღრიცხვის, რეგისტრაციის, გასხვისების და მოვლა-პატრონობის კუთხით. კერძოდ დასრულდა ტენდერში გამარჯვებული კომპანიის მიერ არსებული მუნიციპალური ქონების აუდიტორული შეფასების მათი კლასიფიკაციის და შესაბამისი აღრიცხვის ელექტრონული ბაზის შექმნის მიზნით დაწყებული მუშაობა, რითაც დაზუსტდა არსებული ქონების განახლებული საბალანსო ღირებულებები, შეიქმნა ქონების ელექტრონული ბაზა.

ქონების პრივატიზების მიზნით საკრებულოს მიერ დამტკიცებული ნუსხის მიხედვით მოხდა ორი ერთეული მიწის ნაკვეთის პრივატიზება, მომზადებულია დოკუმენტაცია ერთი ერთეული ქონების პრივატიზებისათვის.

წლის განვლილ პერიოდში მუნიციპალიტეტის საკრებულოს განკარგულებით აჭარის საგზაო დეპარტამენტზე, შპს „კომუნალურსერვის“-ზე, აჭარის ფინანსთა და ეკონომიკის სამინისტროზე და საქართველოს იუსტიციის სამინისტროზე გადაცემულია 29 ერთეული ქონება, კერძოდ სარწყავი არხები, სპეცტექნიკა და მიწის ნაკვეთები. მიმდინარეობს მუშაობა და მომზადდა დოკუმენტაცია მუნიციპალურ საკუთრებაში არსებული საცხოვრებელი ბინების 4 ერთეულის მეპატრონეებზე გადაცემისათვის, კერძოდ სოფელ ჭინკაძეებში ადრე არსებული მეცხოველეობის მწყემსთა ბინების მეპატრონეებზე გადასაცემად.

წლის განვლილ პერიოდში სულ სამსახურში შემოსულია 827 წერილობითი დოკუმენტი მათგან 356 მოქალაქის განცხადება, 471 კორესპონდენცია მოხსენებითი ბარათი, რომლებზეც დროულად მოხდა შესაბამისი რეაგირება და გაცემულია პასუხები. მოქალაქეთა ძირითადი განცხადებები შეეხება მიწების, სახურავების გამოყოფას, სხვადასხვა პროექტების განხორციელებას და ქონების რეგისტრაციასთან დაკავშირებულ საკითხებს, სამსახურის განყოფილებებში შედგენილია და გაგზავნილია 320 წერილობითი დოკუმენტი სახელმწიფო უწყებებში და კერძო კომპანიებში, რომლებიც შეეხება ქონების რეგისტრაციას, მათი

მუნიციპალიტეტზე გადმოცემას, მიწათსარგებლობასთან დაკავშირებულ საკითხებს, სასარგებლო წიაღისეულის მოპოვების და სხვა საკითხებს.

სამსახურის წინაშე მდგარი ამოცანების გადაწყვეტისათვის ზოგჯერ იქმნება სირთულეები ზემდგომ ინსტანციებში მოთხოვნის დროულად განუხილველობის გამო კერძოდ, ქონების გადმოცემასთან დაკავშირებით, მაგალითად 2018 წლიდან დღემდე უშედეგოდ მოვითხოვთ ქონების მართვის სააგენტოსგან დაბა ქედასა და კ/მაისში მიწის ნაკვეთების გადმოცემას, ანალოგიურად რთულდება სატყეო ფონდში მოხვედრილი მიწის ნაკვეთების ტყის ფონდიდან ამორიცხვა.